

Q. D. B. V.  
Differtatio Juridica

De

**DOMINIO, IN REBUS  
OCCUPATIS, ULTRA POS-  
SESSIONEM, DURANTE.**

Quam

**ILLUSTRIS ICTORUM LIPSIEN-  
SIUM ORDINIS CONSENSU,**

Sub Ductu

*Præ Nobilissimi, Consultissimi atque Excellentissimi*

**DN: D. GOTTLIEB GERHARD  
TITII,**

**Fautoris ac Præceptoris sui omni observan-  
tiæ cultu ætatem prosequendi.**

D. 10. Jun. Horis locoque

Confuetis

publicæ disquisitioni submittit

*Autor & Respondens*

**CHRISTOPH ANDREAS REMER,**  
Brunsvicensis.

---

BRUNSVIGÆ,

Literis ZILLIGERIANIS, M D CC IV.



*H. D. Mencke*

17 C 110

1000 1000 1000

THE NEW YORK PUBLIC LIBRARY  
ASTOR LENOX TILDEN FOUNDATION  
455 FIFTH AVENUE  
NEW YORK 17, N. Y.

THE NEW YORK PUBLIC LIBRARY  
ASTOR LENOX TILDEN FOUNDATION  
455 FIFTH AVENUE  
NEW YORK 17, N. Y.

THE NEW YORK PUBLIC LIBRARY  
ASTOR LENOX TILDEN FOUNDATION  
455 FIFTH AVENUE  
NEW YORK 17, N. Y.

THE NEW YORK PUBLIC LIBRARY  
ASTOR LENOX TILDEN FOUNDATION  
455 FIFTH AVENUE  
NEW YORK 17, N. Y.

PERILLUSTRI AC EXCELLEN-  
TISSIMO DOMINO,  
DOMINO  
**PHILIPPO LUDO-  
VICO PROBST DE  
WENTHUSEN,**  
Hæreditario in Wenthusen, Schönin-  
gen & Riddagshausen,  
*Serenissimi Ducis Brunsvicensis &  
Luneburgensis,*  
Primo Status Ministro & Cancellario  
optimè merito  
*Domino meo Gratosissimo.*

PERILLUSTRIS atque EX-  
CELLENTISSIME  
DOMINE

*DOMINE GRATIOSISSIME.*

**D**Um studiis academicis, solen-  
ni aliqua Dissertatione valedicere, ac  
ad Praxin vitæ Civilis, me deinceps  
conferre constitui; tenuës ingenii vires,  
in asserendo rerum occupatarum, ultra possessio-  
nem, dominio, periclitatus sum. Hoc dum egi,  
non tantum hypothesin illam, quâ dominium re-  
rum occupatarum, ac inprimis ferorum anima-  
lium, à perpetua detentione suspenditur, quamque  
nupe-

nuperus quidam Scriptor Belga, terſo quidem lo-  
quendi genere incruſtatam, aſt nullis rationibus  
communitam, non ſine ſupercilio, controverſiæ,  
de Dominio Maris, ſubſternere voluit, refellere,  
ſed & veram Juris Romani ſententiam, à falſis in-  
terpretationibus, vindicare, ac non rogatos laudari  
Juris vel Cenſores vel Deſenſores ſubmovere, ja-  
ctis ſque veris fundamentis, quæſtiones hic agitari  
ſolitas, tam juxta jus Romanum, quam Germani-  
cum, breviter explicare ſuſtinui. Levis hicce labor,  
Tibi, *Mæcenas Summe*, ſacer eſſe, & ſplen-  
dorem, quo deſtituitur, ab Illuſtri Nomine Tuo,  
mutuari geſtit, quod etſi temerarium & audax ni-  
mis videri poterat, ſunt, tamen, ſpero, rationes,  
quæ, à temeraria quâdam audaciâ, non tantum  
me abſolvere, ſed & factum hoc, licitum pro-  
bumque eſſe, amplius oſtendere queant. De eo  
nihil nunc dicam, quod non facile Judicem harum  
literarum magis accuratum, aut Cenſorem, lapſi-  
bus meis magis benignum, Te, reperire mihi licu-  
erit: ſuppetunt propiores hanc in rem rationes:  
Ingentia Tua, nec ullo temporum decurſu delenda,  
in Patriam exſtant merita, quibus etiam dudum  
omnium incolarum animos Tibi obſtrinxisti, cum  
igitur & in me, velut exiguum portionem, merito-  
rum Tuorum fructus diſfundantur, an conceptum

inde pietatis sensum, datâ quavis occasione, declarasse, temerarium illicitumque existimari poterit? Sed nec hoc nunc allegabo: Specialis gratia est, *Perillustris Domine*, quâ meam Familiam, me meaque studia complecteris, & ex qua, perenni fluxu, beneficia commodaque in nos derivantur, hoc verò filuisse, nec devotum animi grati affectum, aliquo indicio, exposuisse, nefas meritò videri poterat. Patere igitur, *Perillustris ac Excellentissime Domine*, ut tenuis hæc charta splendido Tuo Nomine fulgeat, ac simul intemeratam fidem, animumque perpetua gratitudinis lege devinctum, Tibi spondeat pigneretque. Ego verò preces ad Deum fundere non desinam, quo Te, Principis Optimi Delicium, Patriæ Decus ac Subditorum Solatium, cum splendidissima Familiâ, diu salvum incolumemque conservet.

*Tuæ Perillustri Excellentie*

devotissimus

Christoph Andreas Remer.



## Summaria.

**D**ominium, possessione quaesitum, hac amissa, ex recentiorū cujuscūdam Scriptoris Belgæ sententia, perit, nisi lege civili, vel fœderibus Gentium aliud cautum §. 1. quouque lex civilis vim suam extendat §. 2. & quæ fœdera hic intelligantur §. 3. dominium ergo maris, terræ proximi & exteri, à perpetua possessione dependet §. 4. hinc hodie nulla Gens, nec in specie Angli, Veneti & Genuenses, dominio maris exteri, ob perpetua possessionis defectum, gaudent §. 5. eandem sententiam, quoad dominium animalium ferorum, multi sistent §. 6. sed ab omni verisimilitudine illa est aliena, hinc conscribenda hujus dissertationis occasio est oblata, cujus Summa capita exhibentur §. 7. dominium quid §. 8. possessionis §. 9. ut & occupationis indoles exhibetur, formato controversiæ statu §. 10. sententia modo relata, imprimis intuitu Scriptoris Belgæ, datis rationibus oppugnatur §. 11. 12. 13. 14. 15. ac probabili conjectura erroris origo ostenditur §. 16. Ex intentione Dei inter homines vigere debet socialitas §. 17. ex hujus regulæ sequitur, quod omnes res nullius, indistinctè acquiri nequeant §. 18. secundo, quod ad acquisitionem originariam, nihil, nisi acquisituri consensu, sit necessarium §. 19. nec occupatio simpliciter requiratur, additæ consellariū magis specialibus §. 20. imprimis ex socialitatis regulæ tertiò sequitur, quod dominium, amissa licet possessione, duret §. 21. Atque ex hū principiis respondetur Scriptori Belgæ §. 22. diluatur aliorum ratio, quæ quoad feras bestias adducitur §. 23. ac quæ rerum, in alterandis juribus humanis, sit efficacia, ostenditur §. 24. reliquæ orationes discutiantur §. 25. 26. Ut dominium, amissa possessione, duret, naturale est pro certo statu, qui domini consensu & lege civili mutari potest, quo factio, aliud etiam decernit lex naturalis §. 27. Jus Romanum, à perpetua possessione, rerum occupatarum dominium non suspendit §. 28. dissentit

sentientibus in genere respondetur §. 29. in specie respondetur ad l. 1. §. 1. de A. A. P. l. 5. §. 1. l. 6. pr. de Rer. divis. l. 14. §. 1. de A. R. D. §. 30. ad l. 5. §. 2. l. 7. pr. de captiv. §. 31. dataque responsio amplius defenditur §. 32. explicatur cam. 1. distin. 8. c. 1. caus. 23. qv. 7. §. 33. vindicatur l. 5. de l. & I. à falsa Scriptoris Belgæ interpretatione §. 34. Quo sensu Romani mare, dicant commune, ex sententia dicti Scriptoris §. 35. quæ rejicitur, substituta explicatione veriori §. 36. quæ variis textibus confirmatur §. 37. ac Romanos, quoad durationem dominiî maris, nobis non esse contrarios, ostenditur §. 38. ferorum animalium dominium, amissâ possessione, perit; juxta communem juris Romani explicationem §. 39. sed; ea rejecta, vera laudati juris sententia exhibetur §. 40. hinc falluntur Grotius, qui censuram in Jctos Romanos extendit, alique eum secuti: his autem, qui contra censuram illam Jctos defendunt, cum summa distorum §. 41. Juxta hæc principia, mare Terræ proximum, est in dominio Reipublicæ, cessante licet possessione §. 42. Exterum verò mare, in totum dominio subjici nequit §. 43. bene verò per partes §. 44. dominium ferarum; amissâ possessione non desinit §. 45. inprimis si, per crepundia, ab aliis internosci queant §. 46: aliis exemplis usus doctrinæ, in Germaniâ, ostenditur §. 47. animalia mansuesccta tamdiu nostra sunt, quamdiu dominium probari potest §. 48. quod in specie de pavonibus & bestiis exoticis dicendum §. 49. nec aliud obtinet jure Saxónico §. 50. quæ hic sententia juris Alemannici §. 51. apium, animo non redeundi evolantium, dominium jure Romano tamdiu durat, quamdiu ejus probatio suppetit §. 52. de sententia juris Saxonici disputant interpretes §. 53. examen, animo non redeundi evolans, statim amittitur jure Saxónico §. 54. nec tamen in præjudicium prioris domini, vicino, ipso jure, acquiritur §. 55. hinc dominus vicino, in apibus recuperandis, est potior §. 56. examen etiam manet prioris domini, si ejus fundum non penitus deserat §. 57. ratione tertii, apes vicino, in cuius fundo confederunt, ipso jure, seu vi accessionis, acquiri videntur §. 58. comparatio juris Civilis & Saxonici, nec non communis & nostræ explicationis §. 59. addito monito, quoad lectionem art. 119. Jur. VVeichb. quo admisso, jus Saxonicum à Romano non differt §. 60.

B. C. D.





## B. C. D.

### §. 1.

**D**E dominio Maris, variantibus sententiis, plures, ac inter eos præcipuè *Grotius*, *seldenus* ac *Burgui* egerunt. Novissime eandem Controversiam recoluit *Cornelius van Bynckershoek*, Jctus Belga, in peculiari *Dissertatione*, quam *Libro singulari ad Legem IX. de L. Rhodia de jactu*, subjecit, In ea præsupponit, ex naturali possessione, dominium rerum cœpisse juxta *l. 1. §. 1. de A. A. P.* nec diutius durare, quam possessio corporalis adsit, hac igitur remissâ, & illud desinere, satis hoc innuente *d. l. 1. §. 1. & l. 5. §. 1. l. 6. pr. ff. de Rer. div. l. 14. §. 1. de A. R. D.* Quod igitur, ultra possessionem, hodie dominium nunquam duret, id non quidem effectum esse, *universali aliquo Generis humani pacto*, quod absurde aliqui asserant, sed unice à *lege civili*, vel *fœderibus Gentium specialibus*, eo sine initio, dependere, amplius censet.

§. 2. Legem porro civilem, in subditos tantum valere, Exteros verò non obstringere arbitrat; hinc si res mea, extra civitatem meam, reperiatur, me absente & ei non incumbente, cedit rursus primum occupanti, ceu

(B)

res

res nullius vel in medio posita, comprobante eam sententiam Augustino in *Can. 1. Diss. 8. can. 1. Caus. 23. qu. 7.* ut & Pomponio in *l. 5. §. 2. ff. de captiv. & postlim.* ac Proculo in *l. 7. pr. cod.* nec non praxi Turcorum, in horum enim ditiones si quis, cujus populus, neque fœdus, neque amicitiam cum iis habet, appellat, ejus bona publicantur, ipseque in servitutem redigitur, à quo rigore Belgæ, & si in peregrina nave appellant, virtute privilegii, ab Achmere dati, eximuntur.

§. 3. Ulterius fœdera accipit, quibus vel *amicitia*, vel *hospitium* contrahitur: aliud, si tantum placuerit, ut bello *abstineatur*, tunc enim de reliquis nihil pactum, quo casu, supererit locus Galli sententiæ, apud Festum in *Voc. Postliminium*, cum ait, *etiam cum populis liberis & confederatis postliminium esse.* Atque ex his etiam apparere putat laudatus *Belga*, quod hucusque non apparuerit, quo sensu scilicet, ex jure Gentium, dominiorum distinctio esse dicatur in *l. 5. ff. de 1. & 1.* Nimirum eo jure, pactis fœderibusque, agnitum est & probatum illud jus, quod dederat antiqua occupatio, seu potius, illud jus, quod, amissa possessione, amittebatur, extensum est ad eas regulas, quibus in Civitate reguntur rerum dominia *v. d. Dufert. de domin. Mar. c. 1.*

§. 4. His præsuppositis, *Antor* ille, Mare, terræ proximum, ejusque dominium acquiri, pronunciat, si quis navi una vel pluribus, eo animo, in vacuum ejus possessionem venerit, cumque à possessione, durationem dominii suspendat, hinc continuam possessionem eatenus adesse censet, quatenus Mare Continenti potest haberi subditum, i. e. quousque tormenta exploduntur *d. Dufert. c. 2.* Exterum verò mare, in quod Civitas è terrâ dominari

nari nequit, habili occupatione in dominium redigi, hocq;  
non nisi perpetuâ possessione inter Gentes conservari,  
ait, cum lex civilis, quæ ultra possessionem, dominium  
extendit, inter liberos populos, auctoritatem non habeat,  
nec pacta eo fine inter eos iniri soleant.

§. 5. Ex navigatione autem, intentione habili ve-  
lut animatâ, & occupatio & possessio ejusque continua-  
tio colligitur, quibus mediis, Romanos olim dominium  
maris Mediterranei & Britannici tenuisse, Noster existi-  
mat, adjiciens, non ex armorum classiumque potentiâ,  
possessionem ac dominium maris, præcisè æstimandum  
esse, sed si quis, vel unâ scaphâ, occupet mare non oc-  
cupatum & possessum, isque eâdem scaphâ, domini ani-  
mo, pergat navigare idem mare, eum jure optimo cen-  
seri dominum, nec nisi per injuriam inde submoveri v.  
*d. Dissert. c. 3.* Inde porro colligi vult, hodie nullam Gen-  
tem, dominium maris exteri, sibi asserere posse, cum nul-  
la perpetuam detentionem docere queat *d. Dissert. c. 4.*  
Ex quibus principiis deinde Anglos, Venetos & Genu-  
enses, dominium maris Britannici, Adriatici & Ligusti-  
ci, sibi asserentes, submovet, licet enim mare, naturâ  
suâ, domini non sit expers, attamen cum possessionem  
non interruptam, illi probare non possint, hinc eos  
(etiam, laudato illo dominio non gaudere, concludit *d.*  
*Dissert. c. 5. seqq.* quæ multis referre, jam nostrâ non  
inter est.

§. 6. Eandem hypothesin aliàs, si non omnes, cer-  
te multi Juris Civilis interpretes fovere solent, circa do-  
minium animalium ferorum, nam hoc etiam, ultra pos-  
sessionem, non durare, sed, bestiâ in libertatem se re-  
cipiente, ejus dominium naturaliter expirare, plerique

contendunt. Sed qui in genere dixerit, dominium, in rebus occupatis, cessante possessione, juxta merum jus naturale, evanescere, aut in specie, de dominio maris ejusque duratione, ex isto principio, pronunciandum, esse existimaverit, hætenus, præter *Belgæ* illum, neminem nos vidisse, lubentes fatemur, alios tamen ejusdem fortassis esse sententiæ, ideò non negamus.

§. 7. Cæterum sicut, controversiæ, de Dominio maris, prolixè ab aliis agitatæ, momenta repetere ac excutere, jam animus non est, ita, cum jactata illa hypothesis, ab omni verisimilitudine sit aliena, & res planissimè inverti debeat, ea ratione, ut dominium rerum occupatarum, cessante possessione, juxta philosophiam naturalem, semper durare dicamus, nisi conventionē, vel lege positiva aliud cautum sit, ideò in genere, *dominii rerum occupatarum, cessante possessione, durationem, cum confectariis*, Dissertatione Academicâ, expendere placet. Hoc ut aliquo ordine præstemus (I) post præmissa quædam generalia, de dominio, possessione & occupatione, quæ, intelligendæ vel illustrandæ controversiæ, utilia videntur (II) jactatum illud principium, datis rationibus, oppugnabimus errorisq; originem probabili conjectura detegemus (III) veram sententiā exhibebimus, discussis rationibus contrariis (IV) consensum juris Romani adstruemus (V) ex istis principiis, quæstiones nonnullas, etiam quoad usum modernum, decidemus. Hoc autem dum agimus, non alio jure utimur, quam quo cuivis, veritatem inquirere, liberum est, nec arbitramur, æquos rerum æstimatores, in aliam partem id esse accepturos: Propositum laceßendi, vel Scriptorem istum Belgæ, vel alios, qui, in nonnullis, cum eo conspirant, vel à quibus aliàs dissentimus, à nobis procul abest.

§. 8.

§. 8. Dominii vox, aliquando imperii l. 9. ad L. Rhod. de jact. l. 195. §. 2. de V. S. aliquando reverentiæ & honoris l. 37. §. 5. l. 41. pr. de Legat. 3. aliquando proprietatis, generalius vel specialius suppositæ, l. 70. §. 1. de V. S. l. 13. de A. R. D. nomen est. Ultimus significatus huc pertinet: Est igitur Dominium, nobilissima non minus quam gratissima privatorum jurium species, si in sua perfectione spectetur, *Jus reale, ob quod, ad plenissimum utendi effectum, res corporalis nostra est.* Essentia igitur dominii, non ex inbarentia, seu, quod illud nobis competat, æstimanda est, nam hoc omnibus juribus, seu rebus moralibus, quæ nobis imputantur, commune est, sed ex effectu, quem illud, intuitu objecti sui, habet, judicari debet: Hic autem non in eo tantum consistit, quod res corporalis nostra sit, nam hoc alia etiam jura realia, ut servitus & pignus, suo modo præstant, sed & potissimum in eo, quod ad plenissimum usum illa propria sit, de cætero nihil refert, sive proprio judicio re utamur, sive prudentiorum, id quod, in pupillis similibusque personis, accidit.

§. 9. Possessio est exercitium actuum nonnullorum, ex jure aliquo constanti, vel vero vel præsenso, in objecto speciali aut generali, institutum, jus aliquod verum vel præsupponens ac indicans, vel ejus acquirendi occasionem præstans. Procedit igitur omnis vera possessio, ex opinione juris cujusdam constantis, adeoque animum habendi involvit, hic si deficiat, vel nulla, vel improprie sic dicta possessio, seu nuda detentio, adest. Quod si porro jus verum adsit, tum possessio, ejus est effectus & indicium si autem nullum præcedat, juris acquirendi illa est occasio, si nihil obstat. Ulterius respicit possessio, vel objectum speciale & certum, quodque in solidum tibi asseras, ut circa do-

minium contingit, vel objectum generale, aut non satis determinatum, ac ad alios suo modo pertinens, id quod, circa servitutem, pignus pluraque alia jura accidit : Illa possessio potest dici, *plena*, hæc *minus plena*, Vulgo illam, dicunt *Propriam & rerum corporalium*, hanc *Analogicam & rerum incorporalium*, sed doctrinâ parum solidâ : Omnis possessio ex opinione juris procedit, ac rem corporalem afficit. Illud etiam observandum, possessionem non tantum ad jus aliquod principale respicere, de quo hætenus, sed & suo velut marte, aliquod operari. hinc *jus possessionis* innotuit, de quo ut aliquid dicamus scopus noster haud exigit.

§. 10. Occupatio est *rei nullius animo habendi facta apprehensio*. Ejus itaque objectum sunt *res nullius* seu *vacua*, i. e. quæ, à Deo & naturâ, dominio singulari destinata, sed ei nondum subjectæ sunt, aut in quibus dominium iterum extinctum est. Quod si adeò res dominio singulari non sit destinata, sed omnium usui promiscuè patere debeat, tum per occupationem acquiri nequit, sed est *res negativè nullius* aut, si mavis, *communis*, quæ neque unius est, nec esse potest, Si autem dominium, res aliqua, jam subierit, illudque adhuc duret, tum itidem occupatio cessat. His positis, de eo controversitur, *an dominium, in rebus vacuum, ac speciatim in mari aut feris bestiis, occupatione legitimè quasitum, amissa possessione, juxta merum jus naturæ, expiret?*

§. 11. Ita censent cùm alii, tum inprimis Scriptor Belgicus antea relatus, sed nostrum est, juxta partitionem §. 7. datam, datis rationibus sententiam illam oppugnare. Nimirum illa (1) ab indole rerum moralium i. e. jurium & obligationum, penitus abhorret, sive, eadem plane destruit.

struit, eo fine enim, inter homines, velut creaturas rationales, moralia introducta sunt, ut ipsos, à perpetuæ detentionis molestiis, liberarent, nec illi, testudinum instar, res suas semper secum ferre cogerentur, sed potius, illorum virtute, rerum semel apprehensarum, securam retentionem & fruitionem, sibi polliceri possent, etiam si longius ab illis abscesserint. Neque verò moralia illa, demum lege civili, vel Gentium conventionione effecta sunt, sed datur principium, illis omnibus antiquius, à quo illa dependent, de quo postea agemus explicatius.

§. 12. Excutiamus (2) paulo curatius indolem & vim possessionis: *An idè ab eâ dominium ejusque duratio dependet, quia per illam res nobiscum velut connectitur?* Ita verò dominium est inane nomen, supervacuum & absurdum jus est, quod cum facto oritur & perit! *an idè, quod à re possidèa, alios per vim arcere queamus?* sic redit prior objectio, ac insuper, omne jus, à potentia suspenditur, nec quævis, sed vi magnâ stipata possessio, conservando dominio, est saltem idonea! quæ quam incongrua sint, Scrip- tor ille Belgicus satis etiam intellexit, hinc præcipuè armorum clasiumque potentiæ, noluit præcipuum, in mari, jus dare *d. desert. c. 3.* quod §. 5. jam indicavimus: *An tandem idè, quod possessio animum habendi aliis indices?* Hic effectus uti possessioni meritò tribuitur, ita simul ostendit, conservando dominio, perpetuâ detentione non esse opus, cum, post rem semel legitime acquisitam, animus ille aliis actibus quoque indicari queat, hinc si possessio, ob illam causam, dominium conservat, tantundem præstabunt cæteri actus, qui in declarando habendi animo, ejusdem sunt efficaciæ: Et quis, spectato hoc effectu, credat, levi naviculâ, scaphâ vel cymba, ad tuendam pos-  
ses-

sessionem, oberrare, efficacius conservandi dominii esse medium, quam creatis domi Archigubernis, vel propositis edictis similibusque actibus, animum retinendi jus illud, declarare, quod tamen Belgæ nostro *d. dūfert. c. 3. 4. 6.* persuasum est.

§. 13. Non minus (3) nemo, quoad dominium terræ retinendum, perpetuam requirit, aut cum ratione requirere potest possessionem, & tamen perinde mare, ac terra, dominii capax est, adeoque hujus retentio, iisdem regulis utrinque merito æstimari debet. Verum quidem est, quod homines non sint animalia aquatica, nec perinde maria, atque terras, habitare queant, sed dantur tamen etiam, in Civitatibus, loca inculta & inhabitata, quæ nihilominus imperio & dominio Reipublicæ tenentur, licet, pro perpetua possessione, nihil omnino suscipiatur. Dicis, *loca illa cæteris partibus coherere, adeoque per consequentiam possideri!* sed tantundem etiam dici potest de mari extero, intra probabilem modum semel legitimè occupato, quod nempe illud Mari, terris proximo, cohæreat, adeoque cum hoc simul possideatur, ut ratio illa, licet admissa, sine effectu sit, & retorqueri queat.

§. 14. Denique (4) conditio perpetuæ possessionis, sub qua dominium maris asseritur, impossibilis est, adeoque frustra, quoad jura humana retinenda, requiritur: Nemo sane perpetuo navigare potest, sed tempestates aliaque incommoda, sæpe loca tuta quærere jubent. Credit quidem Belgæ Noster *d. dūfert. c. 3.* Romanos olim quatuor clasibus, quas perpetuas illi habuerint, quarumque prima, ad Misenum, secunda, ad Ravennam, tertia, ad Forum Julii, quarta, ad Byantium steterit, perpetuam quasi detentationem Maris Mediter-



diterranei, ac per eam, dominium habuisse, nec minus Mare Britannicum, classe Britannica, cujus meminit l. 46. ff. ad sē. Trebell tutatos esse. Sed non dubiro, quin, ex nimia rerum Romanarum admiratione, quæ Criticis solennis est, in eam sententiam concesserit, nam alioquin difficulter probabitur, Romanos ita indefinenter Pelago incubuisse, ut non aliquando, in loca tuta, sese receperint, maxime si quis expendat, quod antiquæ illæ Romanorum classes, cum modernis neutiquam comparari queant: quod si verò Romani classes habuerunt, non in mari, sed domi, maris etiam domini perpetuo non fuerunt, nam hoc argumento, dominium maris Ligustici, Genuensibus Belga abjudicat d. dūfers: c. 6.

§. 15. Tandem si (5) tam rigide ad domini conservationem, possessionem exigas, hoc sequetur, quod eatenus mare saltem proprium censi possit, quatenus possidetur, quemadmodum alias dici solet: *tantum præscribitur, quantum possidetur*. Hinc non alia maris pars poterit existimari propria, nisi quam clasſis revera occupat, cæteræ, velut non occupatæ & possessæ, erunt nullius; Et, si ad aliam partem navigetur, novæ partis acquisitio, prioris amissione multabitur. Si dicas, tam strictè hanc rem non esse accipiendam, sed totum mare possessum censi posse, modo unam partem teneas, ac animo continuandæ possessionis naviges; agè, cedo rationem, quare possessio Maris, continenti subjecti, ad exterum, intra probabilem modum semel occupatum, extendi nequeat, imò quare, continuandæ possessioni, non sufficiat, si vel in portu navigetur! Atque istæ rationes, si non omnes, certe pleræque, ad feras bestias, imò

omnes alias res, dominio subijci solitas, etiam quadrant, satisque ostendunt, quod dominii duratio, à continua possessione, falso suspendatur.

§. 16. Si in causam erroris inquiras, non dubitem, quin is ex eo habeat originem, quod sæpe Scriptores, sine præsuppositis socialitatis regulis, de juribus hominum philosophentur, secuti forsitan *Hobbesii*, vel alijs rerum moralium Corruptoris, ante conventiones, vel civitates, statum hostilem, aut saltem exlegem, inter homines, asserentium, principia: Nam, neglecto solido juris naturalis fundamento, facile ad falsas conclusiones devenitur, ac omne jus, ex facto, repetitur; Inter hostes enim facta solum, eaque violenta, jus dant, seu potius inter eos, jus, inane nomen est, & omnis rerum acquisitio ac conservatio, vi constat. In specie, quoad Belgam Nostrum, conjecturam firmat, quod is Turcorum, Christianos pro hostibus habentium, adeoque nulla socialitatis dictamina agnoscentium, praxin, hanc in rem laudet v. §. 2. Errorem ita semel conceptum, autoritas veterum Juris, & Juris Romani, facile deinde confirmare, errantibusque probabilem reddere potuit, cum enim jus Romanum æquitate se passim commender, ac imprimis, in materiâ acquirendi dominii, philosophiam naturalem apertè profiteatur, deniq; dominii durationem, quoad feras bestias, à possessione, manifestè suspendere videatur. hinc forte dubitatum non fuit, quin in genere, pro principio aliquo naturali, doctrina hætenus excussa, haberi posset. Interim Juris Romani hic nulla culpa est, nec illud quicquam, ad stabiliendam falsam illam sententiam, confert, ceu mox distinctius probabimus.

§. 17. Dispiciendum igitur nunc est, quæ genuina vide-

videantur principia, ex quibus, tam rerum nullius in genere, quam in specie, maris ferarumque bestiarum acquisitio, dominiique acquisiti duratio, dijudicanda sit. Nimirum si humani generis statum, non, ex corruptissimâ Gentium ferocium praxi, sed intentione & scopo Creatoris, æstimes, tum facillè liquet, Creatorem, inter homines, socialitatem, seu mutuum amorem ac benevolentiam, lege naturali, sanxisse, id quod, velut certissimum, ac alibi demonstratum, vel demonstrandum supponitur. Istæ socialitatis regulæ, uti in genere hominum, inter se conversantium, actiones dirigunt, ita partitionem quoque rerum, à Deo hominibus concessarum, moderantur: his igitur rectè consideratis, non difficile fuerit ostendere, quomodo res nullius acquirantur, ac semel acquisite dominium conservetur, idque sive primævum mortalium statum supponas, sive præsentem Gentium hominumq; singulorum conditionem consideres.

§. 18. Scilicet cum Creator optimus, varias res, in ipsum generis humani, in medio velut exposuerit, singulisque hominibus proprias partes haut assignaverit, & tamen, primæva illa rerum conditio, vel ei surroganda universalis aliqua communio, indoli humanæ, prout nunc est, haut conveniat, hinc colligitur, Deum voluisse, ut res illæ, in medio expositæ, sive nullius, per factum humanum, dominio singulari subicerentur, prout regulæ socialitatis, seu mutui amoris, id exposcunt. Exinde sequitur primò, *quod per occupationem, res nullius, indistinctè acquiri non possint*, hinc si Gens quædam ambitiosa, omnes res vacuas, vel unam rem, omnium usibus sufficientem, sibi asserere vellet, id non minus injustum, quam stultum foret, & meritò huic molimini, socialitatis leges turbanti, alii sese opponerent.

§. 19. Quod si autem, in afferendis rebus nullius, modumquis teneat, tum, ad acquisitionem originariam, nihil nisi consensum acquisituri esse necessarium, ex dictis, secundo colligitur: Hinc non opus est, cæterorum hominum consensum præsumere, vel pactum aliquod universale comminisci, ac futuræ acquisitioni velut subternere, nam Dei ordinatio, factum acquirentis, juxta socialitatis regulas exercitum, satis tuetur. Quia porro voluntas acquisituri, aliis regulariter innotescere non potest; nisi per occupationem rei desiderata, hinc hætenus illa, ad rerum nullius acquisitionem, requiritur, ac omnem efficaciam, ex laudata Dei ordinatione, non pacto aliquo humani generis universali, habet, nam uti hoc nulla probabili ratione asseritur, ita facile liquet, eos, qui nihil, nisi ex pactis, se demonstrare hinc posse, existimant *vid. Pufendorf, de I. N. G. l. 4. c. 4. §. 1. nulla socialitatis decreta præsupponere.*

§. 20. Non igitur Occupatio simpliciter, sed saltem ut medium, acquisituri voluntatem, aliis indicandi, circa dominii acquisitionem, est necessaria: Hinc alii actus, æque voluntatem indicantes, ejusdem, cum occupatione, sunt efficaciæ. Vulneratio igitur & persecutio, perinde præstat dominium feræ, ac occupatio, ceu visum fuit Trebatio in l. 5. §. 1. de A. R. D. contraria sententia, quæ prævaluit §. 13. l. de R. D. ad jus positivum pertinet, licet aliud cum Grotio, videatur Guilielm: van der Muelen in *Comment. ad Grot. l. 2. c. 8. §. 3.* Pisces, qui in stagno sunt, aut feræ, quæ in sylvis circumseptis vagantur, naturaliter nostræ sunt Grot: de J. B. P. l. 2. c. 8. §. 2. Sententia Nervæ in l. 3. §. 14. de A. A. P. aliis licet pro naturali habita *vid. Ziegler in. not. ad Grot. d. l. Pufend. de I. N. G. l. 4. c. 6. §. 11.*

iti

itidem, ad jus positivum, referri debet. Occupatio, præ aliis actibus, animum habendi indicantibus, ut visu, jaculi emissionem similibusque, naturaliter nullam habet prærogativam, hinc si plures, circa rem acquirendam, contendant, nec visus, nec occupatio, nec jaculi emissio, dominium uni tribuit, sed illa potius omnibus est communis, licet vulgo aliter sentiant v. Pufend. d. l. 4. c. 6. §. 8. Denique hodie dominium ferarum, in Territorio existentium, ante occupationem, rectè Reipublicæ & Imperanti tribuitur, quamvis, ob non satis intellectam occupationis indolem, hic quoque dissentiat Pufendorf. d. r. 6. §. 7. sed de his multis disserere, proprium jam non est.

§. 21. Denique inprimis, ex præsuppositis Socialitatis regulis, sequitur tertiò, de quo nunc unice quæstio est, quod *dominium rerum, semel legitimè acquisitarum, daret, licet possessio resset*; nam cum lex naturalis, seposita etiam lege civili, aut conventionione speciali, læsionem, inter homines singulos & integras Gentes, prohibeat, an, salvis Socialitatis legibus, alium, in res nostras, involare posse putabimus, ideo saltem, quod actu eas non teneamus, utut legitimam earum acquisitionem probeamus, animumque eas habendi doceamus; hinc rectè Grotius de J. B. P. l. 2. c. 8. §. 1. dicit: *à possessione quod incipit dominium, non idèò, amissa possessione, amittitur, imò jus datur etiam ad repetendam possessionem.*

§. 22. Atque ex his etiam sententiæ contrariæ rationes non difficulter elidi possunt: Nam quod Scriptorem Belgam attinet v. §. 1. 2. fatemur, universali aliquo pacto haut effectum esse, ut dominium ultra possessionem daret, ejusmodi enim conventiones, quibus vel oc-

cupationi vis acquirendi conciliata, vel etiam dominii acquisiti duratio definita sit, gratis utique à nonnullis Scriptoribus asseruntur, cum nimis scholasticum sit, primis mortalibus tam profundam posteritatis curam tribuere ut, æternis pactis, dominii acquirendi vel conservandi rationes determinaverint. Porro fatemur, quod lex civilis tantum in subditos valeat, ac conventio specialis paciscentes saltem obliget, sed negamus, quod exinde dominii, ultra possessionem, duratio, unicè repetenda sit, cum merum jus naturale, dominium, semel legitime acquisitum, tueatur etiam contra eos, quos nulla legis civilis autoritas; vel conventionis specialis religio obstringit. Neque verò laudati juris sanctioniæ quid decedit, quod Gentes infociabiles, ac in specie Turci, aliarum Gentium, velut hostium, bona sibi attribuant, quis enim, ex factis Gentium, jus colligat? imo tantum abest, ut ista praxis aliquid probet, ut potius contrariæ sententiæ *παροιμιᾷ* & evidenter innuat, ceu §. 16. admonitum.

§. 23. Porro rationes, quæ, intuitu ferarum, à nonnullis afferri solent, exigui sunt ponderis, & plerumque vel id, de quo quæritur, supponunt, vel aliàs à scopo abluunt. Urgent naturam ferarum, *ha enim per amissionem libertatis fiunt nostra, ergo & per recuperationem libertatis, nostra esse desinunt, & per consequens dominium earum, in actuali possessione consistere, censetur vid. Ziegl. ad Grot. l. 2. c. 8. §. 3.* sed, nullum hic esse consequentiæ robur, verum supponi saltem illud, de quo est quæstio nimis manifestum est: Ut animal nostrum fiat, apprehensione similive actu opus est, hætenus enim nullius fuit, quo igitur alicujus fiat, aliique excludantur, factum ali-

quod

quod intercedere debet, sed quod animal, suâ evasione, jus legitime quæsitum tollere possit, id supponitur saltem, sed non probatur. Ut distinctius agamus: Valeret illa ratio, si jura, inter homines & bestias, essent constituta, tum enim, quo jure quis bestię libertatem auferret, eamque dominio suo subjiceret, eodem illa in libertatem pristinam rursus tenderet, dominiumque excluderet, eodem ferè modo, sicut se res habet inter hostes, inter quos belli justitia est dubia, nam tum, pari jure, personæ & res hostiles acquiruntur ac amittuntur: At cum jura inter homines sint constituta, facilè liquet, bestiam, jura, contra alios homines valentia, suo facto alterare non posse, cum socialitatis regulæ vetent, ne quis rem, quam alius legitime acquisivit, & adhuc ejus retinendæ animum habet, probationemque dominii, antea acquisiti, dare potest. sibi arroget, nam illæ regulæ, generales sunt, nec, à facto feræ, sunt suspensæ.

§. 24. Illud quidem negari nequit, rerum aliquam esse efficaciam, in *juribus plane tollendis*, nam, re extinctâ, jus evanescere, tralatitium est: Ab objecti quoque conditione sæpe est, *ut jus sit inane*, nam res mobilis occultari potest, immobilis non item, hinc, quoad illam, verum aliquod jus, facilius effectui suo privatur, quam quoad hanc, quare etiam, rei immobilis furtum fieri rectè negatur §. 2. l. de *usucap.* sed quod res etiam *jura ita alterare suo Marte queat, ut ille ea amittat, hic acquirat*, id utique probari nequit, sed indoli rerum moralium penitus repugnat, hinc hætenus animalium feritas, non majori successu, quam alia rerum conditio, juxta quam scilicet illæ sunt, animatæ aut inanimatæ, mansuetæ aut mansuefactæ, mobiles aut immobiles, consumptibiles vel non consumptibiles, allegatur.

§. 25.

§. 25. Pergunt dissentientes: *Quin quia novit dominus feram istorum animalium naturam, non potest aliter dominium suum salvum habere, nisi per diligentem custodiam, & ex hinc igitur ejus animi esse debet, ut tamdiu Dominus esse velit, quamdiu custodit, aut saltem in eo est, ut custodiat Ziegler d.* sed, illa etiam, ex hypothēsi nondum probata, procedere, seu id, de quo controversia est velut certum, supponere, manifestum est, nam cur dominus ejus animi esse debeat, ut tamdiu saltem dominus ejus animi esse velit, quamdiu custodit, ejus rei ratio unice ab animalium feritate desumitur, sed quod hæc, in alterando dominio, alicujus sit efficaciz, id nondum probatum est: hinc nihil prohibet, quo minus dominus ejus sit animi, ut non tantum dominus esse velit, quamdiu rem custodit, sed et, quando ejus possessione excidit, dummodo dominium probare queat. Quæ igitur sequuntur: *Quod si intermiseris custodiam, & fera elapsa fuerit, quia, in hunc eventum, dominium suum desinere, bene novit, fera non immerito sit noviter occupantis, etiam in foro conscientia, uscumque bis, feram Titii aut Seji antea fuisse, ex crepundiis aut aliunde notum habeat, etiam nihil probant, cum feritatem animalis dominium mutare posse, supponant, quod tamen nullâ ratione vel probatum est, vel probari potest, hinc, juxta merum jus naturale, non meliori conscientia, feram elapsam sibi asserere quis potest, quam rem inventam, quam alius casu amiserat: maxime si, ex crepundiis, statim appareat, rem alterius esse.*

§. 26. Quod si quis eo delabi velit, *amissionem dominii, cessante possessione, non male asseri, ob negligentiam domini, bestiam diligenter non custodientis, is causæ suæ non valde serviet, nam ita non à cessante possessione, sed potius*



*ei implicito domini consensu*, amissio domini repetitur, præterea non tam ostenditur, *quid mero jure naturali obtineat*, quam potius, *quid lege positivâ constitui possit*, nam uti certum quidem est, quod consensu domini, naturaliter dominium amittatur, ita, domini negligentiam, consensum, amissioni domini suffecturum, sepositâ determinatione positivâ, involvere, simpliciter dici non potest, imò regulariter hoc negari debet.

§. 27. Ex his ergo satis constat, mero jure naturali dominium rerum occupatarum, etiam ultra possessionem, durare, adeoque alios, quamdiu dominium probari potest, res illas, cum acquirendi effectu, occupare non posse, sed occupatas potius domino reddere teneri. De cætero hæc non ita accipienda sunt, quasi res se aliter habere non possit, sed illa saltem naturalia putanda sunt, pro *certo statu*, quamdiu scilicet nihil aliud, quam amissa possessio, supponitur; at *statu*, sive *circumstantiis mutatis*, aliud etiam jus naturale decernit. Quemadmodum igitur certum est, quod, si amissam possessionem, *domini consensus* comitetur, dominium amittatur, ita dubitandum non est, quin *lege* etiam *civili* effici possit, ut, cessante possessione, dominium expiret, quæ constitutio, si ob iustas causas fiat, quod in dubio præsumendum, *non iniqua*, sed saltem *positiva* censi debet. Stante autem vel consensu domini, vel juris civilis sanctione, naturale quoque est, ut dominium, amissâ possessione, pereat, nam lex naturalis, ad illa omnia, extenditur, eademque observari jubet. Interim cum & consensus domini, & juris positivi constitutio, facti sint, nec præsumantur, ideo quamdiu probari non possunt, tamdiu mero juri naturali inhærendum, ac, pro domini duratione, pronunciandum erit.

(D)

§. 28.

§. 28. An igitur jure Romano aliud constitutum sit, nunc inquirendum venit. Multi sane ita putant, imò id, quod, eodem jure obtinere, illi arbitrantur, pro decretis naturalibus habent. Sed nobis, salvo rectius sentientium judicio, Jus Romanum, à possessione, dominii durationem suspendere non videtur. Quoad dominium, modis derivativis acquisitum, res dubio caret, nam *Reivindicatio* similesque *actiones alia*, contra rerum possessores comparatæ, luculenter ostendunt, quod dominium, amissâ possessione, non pereat. In specie animalia mansueta & mansuefacta, nostra manent, licet eadem non possideamus *l. 5. §. 5. 6. l. 44. de A. R. D. l. 8. §. 1. 2. fam. ercisc. §. 15. 16. l. de R. D.* servus fugitivus aufugiendo, dominium domino non intervertit *l. 13. de A. R. D. l. 1. seqq. C. de serv. fugit.* lapidum, in Tiberim demersorum, dominium retinetur, possessione licet cessante *d l. 13. de A. R. D.* cumque cæterarum rerum eadem omnino sit ratio, merito idem etiam jus tamdiu præsumitur, donec probetur contrarium.

§. 29. Hoc verò non præstant argumenta à dissentientibus allata, circa quæ, hoc generaliter notamus: Veteres Jctos, possessione, dominii durationem, quoad amicos, non circumscripsisse, sed tum demum, amissâ possessione, dominium amitti, existimasse, si derelictio, ex recuperandi difficultate & probationis defectu, præsumpta, cum possessionis amissione, fuerit conjuncta, hæc autem: *dominus, amissâ possessione, invito amittit dominium, & eodem tum demum excidit, si, ob desperatam recuperationem & probationem, in amissionem consentiat*, differre, manifestum est. De cætero cum proposito nostro prolixitas non conveniat, hinc satis erit, si potioribus textibus, qui hanc in rem allegari solent, satisfaciamus.

§. 30.

§. 30. Primo respondebimus ad textus, quos Scrip-  
tor Belgicus *vid. §. 1. 2. 3. adduxit. Ex l. 1. §. 1. de A. A. P.*  
necessariâ consecutione adstrui non potest, quod, amif-  
sâ possessione, pereat dominium, cum nihil aliud ibi di-  
dicatur, quam *dominium rerum ex naturali possessione cap-  
tise*, quod ad primam dominii originem pertinet, imo  
licet demus, etiam res, quarum dominium extinctum est,  
naturali possessione iterum acquiri, prout sanè id dare  
debemus, attamen, quod amissa possessio tollat domi-  
nium, exinde non consequitur. In casu *l. 5. §. 1. l. 6. pr. de  
Rev. div. l. 14. §. 1. de A. R. D.* dominium amittitur, non ob  
amissam possessionem, sed domini consensum: Imo si non  
tam verba captes, quam potius sententiam respicias, ex  
mente Jctorum, casâ in littore maris exstructâ, non do-  
minium, sed *usus* saltem loci occupati acquiritur, hoc igitur  
remisso, locus in pristinam causam revertitur, quem-  
admodum id, in omnibus rebus, quæ ita pluribus expo-  
sitæ sunt, ut dominio utentium subjici non debeant, vel  
saltem non soleant (qualis res est etiam mare, ex Ro-  
manorum quidem sententia, de qua mox distinctius vi-  
debimus) accidere solet.

§. 31. Porro *l. 5. §. 2. & l. 7. pr. de captiv. & postlim.*  
præsupponunt Gentes, inter quas nulla amicitia vel so-  
cialitas observatur; inter has, amissâ possessione, res a-  
mittuntur, non quod à possessione dominium suspenda-  
tur, sed quod Gentes infociabiles nullum jus agnoscant,  
sed, prout visum fuerit, aut fors vel potentia tulerit, bo-  
na sibi mutuo eripiant: Nam olim externi, quasi pro ho-  
stibus habebantur, ac, oblitterato, malis moribus, juris  
naturalis dictamine, latrocinari & prædas agere in exte-  
ros, pro licito reputabatur, quod *στυγιοὶ* aliqui vocant,

hinc etiam ipsa vox *hostis*, veteri Latio nihil nisi *externum* significavit *vid. Grot. de J. B. P. l. 2. c. 6. §. 14. in fin. c. 15. §. 5.* Ad illius ætatis mores respicere Jctum in *d. l. §. 2.* ex eo liquet, quod loquatur de *Gente aliqua*, cum qua, nec amicitiam, neque hospitium, neque fœdus, amicitia causa factum, habeant Romani, quasi scilicet ipsa natura, inter homines, nullam amicitiam vel cognationem constituerit, cujus contrarium tamen rectè agnoscunt Romani in *l. 3. de l. & l. 1!*

§. 32. Nec obest nostræ explicationi, quod Jctus in *d. l. §. 2.* præsupponat *pacem & populos qui hostes non sint*: Nam negantur esse hostes, scilicet *professi*, quibus bellum sit indictum, ac in quos, instructo exercitu, pugnetur. *l. 24. de captiv. & postlim.* Sunt tamen hostes, id est, *Non-amici*, quibus, ex corruptâ Gentium praxi, socialitatis officia impunè negabantur, quosque ambitiosa Romanorum improbitas, *latrunculos, pradones aut latrunculos exterâ genti* vocabat *d. l. 24. & l. 6. de captiv.* Id interim facile liquet, ex moribus Gentium corruptis, frustra repeti vel decreta naturalia, vel sanctiones juris positivi, quæ, inter amicos aut cives, dominii acquisitionem vel conservationem dirigant.

§. 33. Denique ambigua Augustini in *can. 1. Distinct. 8. & can. 1. caus. 23. qu. 7.* sententia (ut de ea etiam incidenter dicamus) uti veritatem juris naturalis non mutat, nec forte etiam sanctionis cujusdam positivæ autoritatem habet, ita, illis licet positis, commode sic accipi potest: *dominia rerum, mero jure naturali, non esse introducta, sed ex facto humano habere originem, ac in civitatibus, imperio civili defendi, eique subesse, nec adeo rerum dominos, contemnere debere Imperantes, ex quo nec sequitur, quod domi-*  
nii,

nii, ultra possessionem, duratio, in Civitatibus, à lege civili unice dependeat, nec ( si domini durationem, cessante possessione, juxta veram sententiam, antea demonstratam, naturaliter asseras ) quod jure positivo contrarium constitutum sit.

§. 34. Ex his amplius fluit, quod explicatio *l. 5. de I. & I.* quam *Belga* noster suppeditavit, etiam rejicienda sit, cum ex falsâ hypothesi, quasi scilicet, amissâ possessione, naturaliter dominium expiret, procedat. Dicendum potius, *dominiorum distinctionem*, eo sensu *juris Gentium* dici, quod merum jus naturale, dominia singularia immediatè haut introduxerit, sed illa, ex facto humano, quod jus naturale tueatur, orta sint: Nam jus naturæ, quod facta humana consequitur, eademque defendit, ac non incongruè *Hypotheticum* vocatur, frequentissimè etiam *jus Gentium* dici solet, quo rectè quoque refertur §. 1. 2. *I. de jur. nat. gent. & civ.* §. 11. *I. de R. D.* Sic adèò, sepositâ etiam conventionem, jam adest principium, quod inter Gentes, dominium legitimè acquisitum, cessante licet possessione, sustineat; id quod uti, per fœdera specialia, magis firmari potest, ita horum argumento malè illud negatur, aut ab his, dominiorum duratio, quoad liberos populos, unice repetitur.

§. 35. Quod in specie Mare attinet, illud Romani JCti *commune* dixerunt §. 1. *I. de R. D. l. 2. §. 1. l. 4. de R. D. l. 3. §. 1. ne quid in loc. publ. l. 13. comm. prad. l. 13. §. ult. de injur. &* tamen ejus dominium quâ publicum, quâ privatum, non obscurè agnoscere videntur *l. 14. de injur. l. pen. de R. D. l. 14. de A. R. D. l. 5. §. 1. l. 6. de R. D. l. 3. ne quid in loc. publ. l. 24. de damn. infect. l. 50. de A. R. D. l. 3. §. 1. l. 4. ne quid in loc. publ. l. 13. §. fin. de injur. l. 2. §. 8. 9. ne quid in loc. publ. l. 1. §. 17. de*

*flum. l. 45. de usurp. l. 7. de div. tempor. præscript.* Id quod Belga noster, ex sua hypothesi, ita explicat: Jctis mare vocari *commune*, quod illorum ævo, maxima sui parte, occupatum possessumve non fuerit, imò forte nulla, si exterum spectes, quodque consequenter, ex eorum sententia, possessio littorum atq; ita maris, dominium unice dederit, unice defenderit, adeoq; illud, cessante possessione, non exstiterit *vid. dūfert. de Domin. mar. c. 9.*

§. 36. Enimverò uti, de ambigua Romanorum sententia, certi quid pronunciare, fortassis non licet, ita illud tamen asserere non veremur, quod doctrina, quæ rerum occupatarum dominium, à possessione suspendit, neque naturalis sit, id quod in præcedentibus satis evicimus, nec eam Jcti Romani vel probaverint, vel sua auctoritatē introduxerint. Illi igitur, ex nostra conjectura, potius mare dixerunt *commune*, quod idem juxta *primam conditionem suam deminio non sit subjectum*, qua in parte, cum rebus *nullius* illud convenit: deinde, quod *dominio singulari subijci non debeat, aut saltem ista subiectio non adeò necessaria sit, sed sufficiat, si quisque, pro ratione indigentia sua, usum temporarium, per occupationem, sibi inde asserat*, quo respectu à rebus *nullius* idem differt; hæ enim, cum variæ, nec perpetuò durabiles sint, per occupationem dominio singulari penitus subijciuntur, ac sæpe etiam consumuntur. Breviter: Romani videntur mare habuisse pro re *negative nullius* seu *communi* *vid. §. 10. quo ipso tamen, juxta philosophiam naturalem, ultra limites, procurrisse existimandi sunt.*

§. 37. De cætero id quod diximus, satis liquet ex *l. 4. de R. D. l. 13. comm. præd. l. 2. §. 8. l. 3. §. 1. l. 4. ne quid in loc. publ. l. 24. de damn. inf. l. 1. §. 17. de flum. l. 45. usurp. l. 7.*  
de

*de divers. temp. præscr.* in primis verò ex *l. 13. §. fin. de injur. l. 2. §. 9. ne quid in loc. publ.* nam comparatio maris, cum campo, balneo, cavæ ac theatro publico, conjecturam nostram maximè probabilem reddit: in his enim rebus, aliquid occupando, non dominium, sed usum, eumque saltem *temporarium* acquirimus, ergo idem de mari dicendum esse, facta comparatio arguit. Atque in eundem sensum *l. 5. §. 1. l. 6. de R. D. l. 14. 50. de A. R. D.* commodè accipi possunt, etsi verba, nimis captata, repugnent: Quia tamen sententia Romanorum, quâ generaliter mare, res communis esse perhibetur, necessariâ ratione non nititur, ideò facile aliqua variatio iis obrepere potuit, nam nonnunquam verum maris dominium agnovisse illi videntur, quo referas *l. pen. de R. D. l. 3. pr. ne quid in loc. publ. l. 14. de injur.*

§. 38. Jam ut, his præsuppositis, ad id veniamus, de quo quæstio est, liquet sanè Romanos, ad dominii conservationem, perpetuam possessionem haur requisivisse, esto enim, quod cessante, quoad maris partes, occupatione & possessione; res in pristinam causam reversa fuerit, attamen, quoad amissionem dominii, nihil inde elici potest, cum possessor non dominium, sed usum saltem habuerit: Deinde amissio juris, quale etiam illud tandem fuerit, non ex sola possessionis cessatione, sed ei potius innexo possessoris consensu dependet, qui enim in loco, omnium usibus exposito, aliquid occupat, is jus *temporarium*, ac ultra possessionem non duraturum, acquirere solum intendit. Quodsi autem, certis in casibus, constantius aliquod maris dominium per occupationem, est acquisitum, tum nondum probavit *Belga Noster*, quod, cessante possessione; illud fuerit amissum, & quod, posito

posiro hoc, sola possessionis cessatio, pro amissionis causa, firhabitā, nam dicerem potius, quod JCTi dominium, non ob defectum possessionis, sed ei innexam possessoris voluntatem, amissum crediderint, cum enim dominium, ob solam possessionis cessationem, naturaliter non amittatur, bene verò ob possessoris consensum. præterea, sanctio aliqua positiva, temerè non sit asserenda, hinc, in dubio, illa explicatio admittenda erit, quæ JCTos Romanos, juxta vera principia naturalia, ratiocinatos esse contendit.

§. 39. Quoad fera animalia plerisque res confecta videtur, quod scilicet, ex sententia Romanorum, amissā possessione, eorum dominium pereat, Disertè Cajus l. 3. §. 2. l. 5. pr. de A. R. D. *quicquid autem eorum ceperimus, eo usque nostrum esse intelligitur, donec nostris custodia coercetur; cum verò evaserit custodiam nostram, & in naturalem libertatem se receperis, nostrum esse desinit, & rursus occupandus sit: naturalem autem libertatem recipere intelligitur, cum vel oculos nostros effugeris, vel ita sit in conspectu nostro, ut difficilis sit ejus persecutio, quæ iisdem ferè verbis repetuntur §. 12. l. de R. D. ac ita perspicua esse videntur, ut vix dubitandi locus superesse censeatur.*

§. 40. Enim verò si rem propius consideremus, facile liquet Romanos non ideò dominium amissum dicere, quod *possessio sit amissa*, sed quod ob recuperandi difficultatem & desperatam probationem dominus animum habendi dimittat, hinc si probatio & spes recuperandi supersit, adeoq; nihil, ad dominium dimittendum, dominum adigat, poterit idem, etiam juxta jus Romanum, vi domini retenti, vel ferām elapsam denuò occupare, vel ab aliis occupatam vindicare: Nam quando, amissā possessio-



sessione, dominium amissum dicunt, agunt de *feris usita-*  
*tu ac in regione aliqua occurrentibus*, hæc si in libertatem na-  
 turalem sese recipiant, ab aliis regulariter distingui ne-  
 queunt, nec adeo dominii probatio dari potest, hinc ani-  
 mus habendi necessario dimittendus est, ex quo adeo do-  
 minii amissio dependet: Cepisti leporem, qui in natura-  
 lem libertatem se recepit, an putas, re, inprimis post  
 aliquod temporis intervallum, ostendere posse, quis ex  
 tot leporibus, tuus olim fuerit? non arbitror, ergo in  
 ejus amissionem consentire, ac pati debes, ut is deinde  
 sit res nullius, ac à quovis occupari queat. Imo ipse  
 Cajus satis vulgari sententiæ occurrit, quando tum de-  
 mum dominium periisse dicit, si fera *vel oculos nostros*  
*affugerit, vel ita sit in conspectu nostro, ut difficilis sit ejus*  
*persecutio*, nam ex eo manifestum est, non amissam pos-  
 sessionem, sed recuperandi difficultatem, ac probationis  
 defectum, iisque conjunctam domini derelictionem, operari  
 dominii amissionem: Nec valebit exceptio, si dicas,  
 Ictum istis verbis non innuere, quod *dominium animalis*  
*elapsi adhuc supersit, sed potius, quod nova apprehensione iter-*  
*um acquiri possit*, nam supponit illa id, de quo est quæstio,  
 quasi scilicet, sola possessionis amissio, naturaliter domi-  
 nium rollat, quod tamen non tantum dubium, sed &  
 plane falsum esse, hætenus satis probavimus.

§. 41. Fallitur itaque Grotius de J. B. P. l. 2. c. 8. §. 3.  
 dum ait: *feras simul atque naturalem libertatem recipiunt,*  
*nostras esse desinere, ajunt Romani* Icti: Atqui in rebus  
 omnibus aliis, à possessione quod incipit dominium, non ideò,  
 amissâ possessione amittitur; imo jus dat etiam ad repetendam  
 possessionem. Res autem nostras alius à nobis auferat, an  
 ipsa sese, ut servus fugitivus, non multum refert. Quare  
 veri-

(E)

*verius est, non per se amitti dominium, eo quod fere custodiam  
evaserint, sed ex probabili conjecturâ, quod, ob difficillimam  
persecutionem, eas pro derelictis habere credamur, praesum-  
cum internosci, qua nostra fuerint, ab aliis non possint. Nam  
licet rectissime id, quod naturale est, tradat, non rectè  
tamen, aliam sententiam, JCtis Romanis tribuit, cum  
penitus illi, doctrinæ ejus consentiant. Falluntur quoq;  
multi interpretes Grotiani, qui Autorem hac in parte  
sequuntur, ac novissime etiam Guilielm. van der Muelen  
in comment. ad d. l. quando censet, descendere potius ex spe-  
ciali constitutione, vel jure civili Romanorum proprio, quam  
naturalis aequitate, quod, amisâ possessione, dominium fere  
amittatur, nam, Romanos JCtos, hoc non statuere, ade-  
oque frustra id, ad specialem constitutionem, referri, ha-  
ctenus satis est ostensum. Bis autem falluntur illi, qui  
JCtos Romanos, contra Grotium defendunt: nam & sen-  
tentiam alienam JCtis perperam imputant, & sententiam  
falsò imputatam, male pro naturali habent. Summa  
igitur hæctenus dictorum huc redit: Amisâ possessione, do-  
minium naturaliter non perit, nisi vel consensus domini, vel  
sanctio jurû civilis accedat, hac tamen, in Jure Romano, non  
occurrit.*

§. 42. Atque ex his principiis, quæstiones speciales  
facile decidi possunt, quam in rem, speciminis loco, non-  
nullas subjiciemus. Et primo quidem, de dominio Ma-  
ris, ab aliis prolixè jam excussò, vel tria verba proferre  
liceat: Ex nostra scilicet sententia, mare Terræ proxi-  
mum, Reipublicæ dominio, sine dubio, subjici potest,  
pertinet enim ad finium securitatem, adeoque ejus acqui-  
sitionem leges socialitatis permittunt. Fit autem acqui-  
sitio consensu, qui per occupationem plerumque decla-  
ratur,

ratur, *vid. §. 19. 20.* ad conservandum autem dominium semel acquisitum, continua possessione, minimè opus est, cum, communia socialitatis dictamina, jus quæsitum teneantur, modo animus remittendi non interveniat *vid. §. 21.*

§. 43. Exterum verò mare, ac in primis vastus Oceanus, à terris satis remotus, in totum dominio singulari subjici nequit, nam, ut Gentes eum inter se partiantur, id supervacuum est, cum eum non perinde, ut terram, habitare, usibusque suis perpetuis subjicere queant, sed is, in medio expositus, omnibus usum præbere queat. : Ut verò una aliqua Gens, universum sibi asserat, id insociabile, injustum ac stolidum est *vid. §. 18.* Hinc satis liquet, vastum mare, ex intentione Creatoris, debere esse rem *negative nullum*, sive, quod concinnius videtur, *communem* i.e. talem, quæ ad homines quidem pertineat, quaque illi uti queant, quæ tamen dominio singulari, subjici non debeat *vid. §. 10.*

§. 44. Ut tamen quædam Exteri Maris partes, in dominium redigantur, leges socialitatis non prohibent; hinc si aliqua Gens, intra modum æquabilem, & sine alterius injuriâ, quandam exteri maris partem sibi asseruerit, ejusdemque habendæ animum, indiciis habilibus, declaret, tum dominium quoque, cum consuetis effectibus, illi erit tribuendum, cessante licet possessione, nam lex naturalis hîc perinde, ac in terra, acquisitum dominium tuetur. Ex quibus etiam in specie consequitur, Anglos, Venetos & Genuenses, quoad dominium maris Britannici, Adriatici & Ligustici, securos esse, nec, per invalidum *Belgæ* Nostri principium, eodem excuti posse. Juris Romani, quâ talis, in controversiis libera-

rum Gentium , nulla est autoritas, quamvis, nec illud nostris assertionibus valde obesse, ex §. 35. seqq. satis etiam pateat.

§. 45. De occupatione ferarum elapsarum, in Germaniâ quidem, non perinde, ac juxta jus Romanum, quæri potest, cum feræ non sit indistinctè res nullius, nec cuivis adeò jus occupandi competat. Non tamen plane cessât quæstio, nam si ad eos referatur, qui jure venandi gaudent, omninò locum invenit: Hinc si quis feram occupaverit, eaque in libertatem naturalem se rursus receperit, illa ab aliis, jure venandi gaudentibus, occupatione acquiri non poterit, si dominus prior dominium probare queat, nec conventionione inter vicinos, vel Ordinationibus venatoriis, aliud cautum sit, quæ tamen, cum non præsumantur, semper probandæ erunt.

§. 46. Inprimis igitur dominium priori domino erit salvum, si per addita *γυψιόματα* sive crepundia, fera ab aliis internosci queat, nec valebit exceptio si dicas, *per crepundia aliorum juri præjudicium fieri non posse*, nam jus dubium, aut potius nullum, per invalidam principii petitionem, velut certum & indubitatum, supponitur. De cætero res illa, non tantum inter vicinos, v. gr. Nobiles, jure venandi investitos, usum habet, sed & inter ipsos Status imperii, hinc si fera, gnorifmate instructa, in aliud territorium transeat, eam à Domino Territoriali, cum effectu acquisitionis, occupari non posse, sed eam domino priori reddendam esse, arbitramur, nisi conventionione speciali aliud constitutum sit, nam, hac seposita, jus naturale prioris domini dominium

minium tuetur, quod, in Imperantes ac Status imperii, etiam valet.

§. 47. Præterea etiam hodie in Germaniâ dantur animalia, quæ pro rebus nullius habentur, quæque à quovis, si aliorum jus jam quæsitum non obstat, occupari possunt: In his ergo, si post occupationem, in libertatem sese iterum recipiant, tamdiu dominium prioris domini durare existimamus, quamdiu spes recuperandi aut probandi facultas non cessat. In rebus, non occupatione, sed acquisitione derivativâ, puta emptione similive titulo, quæsitis, dominium, amissâ possessione, non definere, constans est interpretum sententia *vid. §. 28.* At animalia, hac ratione acquisita, ab occupatis, quoad dominii durationem, vix differunt, nam si animal emptum, custodiam ita evaserit, ut nulla veteris dominii supersint vestigia, tum dominus animum habendi, perinde, ac in feris occupatis elapsis, deponere cogitur, adeoque bestia vel à quovis, vel qui jure occupandi gaudet, iterum occupari poterit: sed si dominium probari queat, tum etiam salvum erit.

§. 48. De animalibus mansuæ factis hanc regulam, comprobata esse, ajunt Romani, *ut eorumque nostra esse intelligantur, donec revertendi animum habeant; quod si desierint revertendi animum habere, definant nostra esse ac fiant occupantium.* Intelliguntur autem desisse animum revertendi habere tunc, cum consuetudinem revertendi deseruerint *l. 5. §. 5. de A. R. D. §. 15. J. de R. D.* Quæ doctrina non ita est accipienda, quasi, cessante consuetudine & animo revertendi, animal statim nostrum esse definat, nam nec in feris ita juris esse, antea ostendimus, sed eo potius ten-

dere illa existimanda est, quod, animali ad feritatem, suam relapso, regulariter spes recuperandi & probandi facultas cesset, adeoque, ob necessariam domini de relictionem, bestia fiat iterum nullius. Quod si igitur per addita crepundia, vel alia signa, dominium vetus ostendi queat, tum animal, vel à priori domino rursus occupari, vel occupatum vindicari poterit, licet illud consuetudinem revertendi deseruerit.

§. 49. Videamus nonnulla specialius: *pavones apud nos haberi pro animalibus mansuevis* censet Brunnerman. *exerc. 6. ad Inst. p. 48. ex quo amplius infert Dr. Thomas, in not. ad Strauch. differt. 6. §. 28. & simias aliasque similes bestias exoticas, ratione amissionis, pro mansuevis esse habendas, cum si amittantur, & ab alio iterum occupentur, ob raritatem, dignosci queant.* De quibus eo minus dubitandum est, quo magis hactenus in genere probavimus, quod omnium animalium dominium, saluum sit, quamdiu illud probari potest, nisi, conventionem aut lege positiva, aliud constitutum sit.

§. 50. Jure Saxonico cautum est: *Tauben/ Rrden/ Aelstern/ Pfauen und ander Federspiel/ das nicht grimmig (in aliis jam) ist/ flucht es zu Felde/ es ist gemein/ grimmig (jähne) Federspiel aber nicht. Weichbild: c. 118. (119.)* Ex his ergo colligendum videtur, quod animalia vel fera, vel mansuefacta, ac ad feritatem relapsa, si custodiam evaserint, statim admittantur, sed observat Dr. Schilter *in Praxi, jur. Rom. exercit. 45. §. 18.* quod, in Codice Ambrosiano, hoc caput non extet, adeoque recentiori tempore adjectum videatur, forte, ut conjicimus, ad mentem juris Romani, hinc hactenus amissionem non

non aliter fieri putem, quam quatenus probatio prioris dominii deficit.

§. 51. Sed Jus Alemannicum c. 238. animalia mansuefacta, post triduum vel quatrimum amitti docet: Hat ain Mann Hábich oder Sperber / oder ander wild BederSpiel / und ist / daß es ainem Mann entrynnet von der Haut / und er volget im nach und es flewgt aus seinen Augen und er verwigt (verziehet) sich des Suches den Tag / und er sucht doch darnach den andern Tag und den dritten Tag und er bindet nicht. Wer es in den dreien Tagen geváht / der soll es mit Recht wieder geben. Und váhet er es an dem vierten Tag oder darnach / es ist sein. Tauben und Psaben habent gleiche Recht. Hat ain Mann Psaben / die gewend seint sey seinem Gemach / und die fliegent von dan und hinwieder / dieweil sie das tunt / so seint sie sein. Aber wenn sie hinsfliegent / und herwieder in vier Tagen / ane Unterscheid / nicht kommen / wer sie darnach geváht / des seint sie. Addit Dn. Schilter d. l. §. 19. in nonnullis Codicibus, loco *quatrini*, fieri mentionem, *quatuordecim dierum*, putatque amplius, jus germanicum erga dominium, circa amissionem ferarum, esse benignius Romano, utpote quo fera naturalem libertatem recepisse censeatur statim, atque custodiam nostram elapsa est. Sed hoc ultimum, ex vulgari præjudicio, fluit, hinc dicerem potius, jus germanicum, durationem prioris dominii, arctioribus limitibus circumscripsisse, ac in eodem occurrere, dispositionem aliquam positivam, quæ in Jure Romano haud reperiatur. Num vero, istam juris Alemannici sanctionem, usus forensis oblitteraverit, an adhuc servet, periti noverint.

§. 52. De apibus legitimè acquisitis, hæc est juris Romani sententia, quod examen, animo non redeundi evolans, eousque nostrum esse intelligatur, donec in conspectu nostro est, nec difficilis ejus est persecutio, alioquin fit occupantis §. 14. I. de R. D. quod, ex principiis nostris, ita explicamus, apes tam diu nostras censerì, quamdiu, ob recuperandi difficultatem & desperatam probationem, eas non derelinquimus, cum quo convenit doctrina Platonis l. 8. de Leg. inquisit si aliena examina quis persequitur, atque are pulsans, delectatione apes ad se trahit, damnum restituat. vid. Schilt. d. exercit. 45. §. 14. Non igitur circumstantiæ, Juri Romano memoratæ, quod scilicet examen sit in conspectu nostro, nec difficilis ejus persecutio, per se dominium conservant, aut contrariæ id tollunt, sed animus habendi vel derelinquendi, circumstantiis illis implicitus, effectus illos producit. Hinc si examen, quod oculos nostros effugerat, ab alio occupatum sit, domino id restituendum esse putamus, si hic jus pristinum probare queat, quod imprimis fieri poterit, si à paucis apes alantur. Interim vulgo aliter jus civile accipiunt vid. Berlich. P. 5. Conclus. 50. n. 14.

§. 53. An autem cum jure civili, hac in parte, conveniat Jus Saxonicum, disputari solet? Affirmant hoc Strauch. dissert. 6. §. 28. Struv. in S. I. C. exercit. 41. §. 16. qui etiam Berlichium P. 5. Conclus. 50. velut consentientem allegant, qui tamen vix in istam classem referri potest, nam d. Conclus. 50. n. 12. seqq. loquitur de jure civili, postea asserit, quod apes, victus causâ evolantes, non amittantur n. 17. denique docet quidem n. 18. quod



quod apes, animo non redeundi evolantes, tam de jure civili, quam Saxonico, ab aliis occupari queant, ast *tempus amissionis*, circa quod alii, juris civilis & Saxonici discrimen, q̄erunt, ille non attingit. E contrario alii, ac in specie Carpzov. P. 4. C. 36. D. 4. negant juris civilis & Saxonici convenientiam, existimantes, discrimen in eo occurrere, quod examen animo non redeundi evolans, de jure civili tamdiu nostrum manet, quamdiu in conspectu nostro, nec difficilis ejus persecutio est, sed jure Saxonico statim amittatur, per textum in Weichbild art. 119. (120.) *Fleugt ein Bien-Schwarzin aus eines Mannes Hoff zu seinem Nachbar / er ist den Schwarzin näher zu behalten / denn jener der ihn folget / den die Bien ist ein wilder Wurm.* Rei isti, recte intelligendæ, distingvendas esse diversas quæstiones recte admonuit Dn. Thomas. in not. ad Sirauch. d. disert. 6. §. 28.

§. 54. Illud igitur primò certum est, quod apes, victus causa evolantes, non amittantur, ac adeò non magis ab alio occupari queant, quam quæ alvearibus continentur, qua in re jus civile & Saxonicum conspirant v. l. 8. §. 1. fam. ercisc. Berlich. d. Concl. 50. n. 17. Carpzov. p. 4. C. 36. D. 1. 2. 3. Si verò, animo non redeundi, evolent apes (id quod fit, si nova apium soboles, ad quærendas alias sedes, à parentibus expellatur, *Wenn die Bienen Schwärmen* / vel, si omnes conjunctim evolent, ac alvearia sua relinquunt, nam aliàs semper nonnullæ remanere censentur, quæ illa custodiant, ac contra apes rapaces defendant, *vid Berlich. D. Concl. 50. n. 16.*) Item illud discrimen subesse videtur, quod jure civili

(F)

tam.

tamdiu nostræ sint, quamdiu in conspectu sunt, nec difficilis persecutio est, aut potius, ex nostra sententia, quamdiu earum dominium probari potest; sed jure Saxonico statim amittantur; juxta jus Romanum, *ob consensum domini*, Saxonicum, *ob sanctionem positivam*, dominium amittitur.

§. 55. Neque tamen amissio illa ita intelligenda videtur, quasi vicino, ipso jure, in præjudicium prioris domini, examen apium acquiratur, prout quidem sentire videtur Carpzov. 4. 30. 4. num. 5. sed in eum potius sensum illa accipienda erit, quod, domino priori non statim insequente, vicinus, medianse occupatione, acquirere possit examen, quem casum etiam respicere videtur præjudicium à Carpzovio subjectum: So möchte auch bemeltet euer Nachbahr solchen eingefangenen Bienen-schwarin / vermöge Landüblicher Sächsischer Rechte / wosern bey euch einanders nicht hergebracht / wiederumb anzuhantworten / und abfolgen zulassen / wider seinen Willen / nicht gedrungen werden.

§. 56. Quodsi adeo dominus examen evolans statim sequatur, tum vicino erit potior, nec ab ingressu fundi alieni prohiberi poterit, ceu rectè sentit Dr. Schilter d. exercit. 45. §. 14. eamque sententiam, ex legibus Bajuvaricis & Alemannicis, amplius illustrat §. 15. Nec obstat d. art. 119. Weichbild in verbis: Er (vicinus) ist den Schwarm näher zu behalten / denn jener der ihn folgt / nam commodè potest intelligi, de domino, post aliquod tempus insequente, nec dicitur: er ist dem Schwarm näher zu fangen / sed: zu behalten postquam scilicet examen occupaverat. Interim vulgo domini, statim

statim insequentis, nullam rationem habere videntur, hoc enim facile colligas, ex præjudicio apud *Carpzovium*, quod §. *prac.* ex parte rerulimus hat auch jüngsthin ein Bienen=Stock geschwärmet / welchen jungen Schwarm euer Weib zwar angeklungen / sich aber derselbe / weil ihr ein klein Gärtlein habt / in euers Nachbars Garten / etwa drey Meßruhten lang / angehangen / so möchte / ic. nam hæc verba dominum insequentem satis arguunt, & tamen contra eum pronunciatum fuit. Sic *Strauchius dñsers. 6. §. 28.* solitâ sibi subtilitate, docet: *dominum fundi esse propiorem persequente* (domino priori,) *non ratione acquisitionis, sed quod prohibere persequentem, ab ingressu fundi sui, possit*, nam, hac ratione, nullum domini prioris & insequentis jus, etiam ratione acquisitionis, agnoscî, manifestum, & recte jam à *Dñ. Thomaf. in not. ad d. §. 28.* admonitum est.

§. 57. Multo magis dominus prior, vicino potior est, si examen evolans, in ramo, quem arbor vicini, in hortum ejus porrexerat, confederit, ac ab antiquo domino statim iterum sit occupatum, nam non tantum, rationes modo allatæ, hic pro eo militant, sed & specialis accedit, quod apes fundum prioris domini nondum deferuerint. nec in re aliena confederint, cum ramus, in fundum nostrum extensus, minimum quoad fructus, noster esse censeatur *Landr. l. 2. art. 52. Weichb. art. 126. 127.* hinc meritò apud *Carpzov. Dec. 295.* pronunciatum: *Dieweil aber dennoch / als der Schwarm das erste mahl in seinen Garten kommen / denselben nicht beschloffen / das anderemahl aber in euren Garten verblieben / und sich nur an des Nachbars Baum / aber gleichwohl an den / in euren*

euren Garten hangenden Zweig/ gelegt/ und dafelbst von euch gefasset und abgenommen worden. So habt ihr auch dadurch das Eigenthum erlangt/ und hat sich euer Nachbar solches Schwärms/ im Stande Rechtens/ nicht anzumassen.

§. 58. Alia quæstio est, annon examen evolans, vicino, in cujus fundo confedit, ipso jure acquiratur, ratione tertii, cui hactenus nullum jus competiit, adeò ut ab hoc, in illius præjudicium, idem occupari nequeat? Non visum fuit olim Lipsiensibus apud Georg. Beat. *Cas. varior. p. 26.* hat sich ein Frembder Bienen-Schwarm uf euren Acker angehangen/ den ein Bauersmann mit einem Weibe/ in einen Sack gesteckt und anheim getragen. Ob sie den wohl solchen erslichen vor euch verneinet/ dieweill aber die Art der Bienen vor wilde geachtet/ und dieser Schwarm nicht euer gewest/ so haben sie nach Zulassung gemeiner beschriebener Rechte/ wohl Zug achabt/ denselben aufzufangen/ und mögen derhalben von euch zu recht nicht gestraffet werden *vid. Thomaf. in not. ad Strauch. d. §. 28.* Si tamen rationem juris germanici, quam inculcat *Dn. Schilter d. exercit. 41. §. 13.* quâque *res in fundo meo existentes, mea sunt,* adeoque *non tam jure occupationis, quam accessionis acquiruntur,* valere patiamur, tum contrarium omninò dicendum erit, nempe quod tertius examen apium occupare & auferre nequeat; Nec oberit exemplum domini prioris, qui jure suo apes evolantes repetit, ceu antea diximus, nam virtus fundi, accessoria ad se trahentis, quoad hunc, meritò restringitur, ob dominium, quod ante habuit, quæ ratio, intertio extraneo, cessat. De cætero principum modo laudatum, juri Ger-  
mani.

manico probari exemplo avium patet, ita Jus Alemann.  
c. 238. §. 3. Wo Vogel geinst auf parvomen habent / oder  
wo sie instent ( insident, ex conjectura Dn. Schilteri d.  
exercit. §. 21. sed forte legendum nissent / ut sensus sit :  
si volucres nidos confecerunt, vel, in iis construendis,  
sunt occupatæ, nam ex momentanea sessione, vix do-  
minium avium asseri potest ) das des Mannes ist / dieweil  
sie in seiner Gewalt seint / so seint sie sein. Aber wenn sie  
fliegend mordent (postquam scilicet pullos excluderunt,  
aut hi adoleverunt) wer sie denn geächet / des seint sie.

§. 59. De discrimine igitur juris civilis & Saxo-  
nici, nec non communis & nostræ explicationis, ita  
breviter habendum : De jure civili, juxta communem  
sententiam, examen evolans tamdiu nostrum est,  
quamdiu in conspectu nostro, nec difficilis ejus est per-  
secutio, sed juxta nostram, quamdiu dominium ejus  
potest probari. Ast jure Saxonico, secundum commu-  
nem explicationem examinis è nostro evolantis domi-  
nium statim amittitur, ac ejus acquisitio à nova occupa-  
tione dependet, ita ut vel à priori domino, vel tertio,  
vel vicino, in cujus fundo confedit, illud acquiri possit,  
sed in concursu potior est causa vicini. Verum ex  
nostra sententia, dominium quidem etiam amittitur,  
si tamen dominus prior & vicinus circa occupationem  
concurrant, illius causa potior est, intuitu tertii verò,  
examen vicino, in cujus fundo confedit, ipso jure & vi  
accessionis acquiritur, adeoque à tertio occupari  
nequit.

§. 59. Illud addo, in meo Juris Weichbildici Co-  
dice in d. art. 119. ex quo, peculiarem Juris Saxonici  
sancti.

functionem, unice repetunt interpretes, in fine legi:  
 Wenn die Bien ist ein wilder Wurm / quam lectionem  
 etiam Glossa retinet, ea autem stante, alium plane  
 emergere sensum, manifestum est. Nimirum juxta  
 istam lectionem verba finalia, præcedentia restringunt  
 & explicant, eo sensu: *si apus est fera, & quod feritatem*  
*consequitur, hætenus in libertate naturali relicta, tum, si*  
*examen in alicujus fundo confideat, ac inde ad vicinum*  
*avolet, hujus, in eodem occupando, potior quam illius causa*  
*est.* Juxta hæc igitur de apibus, dominiò alterius sub-  
 jectis, plane nihil cautum est in *d. art. 119.* hinc, hoc po-  
 sito, etiam in foro Saxonico, jus naturale, jure Roma-  
 no, ex nostra quidem sententia, probatum, sequi liceret.  
 Sed cum hætenus, alteram lectionem, juris Saxonici  
 Doctores constanter, quantum nobis quidem constat,  
 sequantur, hinc nihil definimus, sed eam rem  
 peritorum judicio submittimus.

